



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ



« 05 » 10 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՅՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0186-21

Ձեռնարկողը՝

«ՌԵՎ Կ ԿՈՄՖՈՐՏ» ՍՊ ընկերություն
ք.Երևան Օրբելի 65

Գործունեությունը՝

**Շիրազի փողոց 17 հասցեում նախատեսվող
«Առևտրային տարածքի» կառուցման շրջակա
միջավայրի վրա ազդեցության նախնական
գնահատման հայտ**
ք.Երևան, Շիրազի փ.17

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի՝ պարտականությունները կատարող



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ
թիվ ԲՓ 0186-21
<06> 10 2021թ.

**«ՌԵՎ Վ ԿՈՄՖՈՐՏ» ՍՊ ընկերության կողմից ներկայացված
Շիրազի փողոց 17 հասցեում նախատեսվող «Առևտրային տարածքի»
կառուցման շրջակա միջավայրի վրա ազդեցության
նախնական գնահատման հայտ**

Ձեռնարկող՝
Փաստաթղթի տեսակը՝

«ՌԵՎ Վ ԿՈՄՖՈՐՏ» ՍՊԸ
Շրջակա միջավայրի վրա ազդեցության
նախնական գնահատման հայտ

Գործունեությունը՝

«Գ» կատեգորիա

Տեղադրման վայրը՝

ք.Երևան, Շիրազի փ.17

Ներածական մաս Համաձայն ՀՀ-ի Շրջակա միջավայրի վրա ազդեցության գնահատման և փորձաքննության մասին օրենքի 14-րդ հոդվածի 6-րդ կետի 7-րդ ենթակետի, 1500 ք.մ և բարձր կառուցապատման մակերես ունեցող քաղաքաշինության ոլորտի կառույցներն ըստ շրջակա միջավայրի վրա ունեցած ազդեցության, դասակարգվում են «Գ» կատեգորիայի: Նախագծվող հողատարածքի ընդհանուր մակերեսը կազմում է 2518.1 ք.մ, կառուցապատման մակերեսը կկազմի 2518.1 ք.մ: «Առևտրային տարածքը» նախատեսվում է կառուցել Երևան քաղաքի Աջափնյակ վարչական շրջանի Շիրազի փողոց 17 հասցեում: Գործունեության իրականացման տեղամասը գտնվում է Երևան քաղաքի հյուսիս-արևմտյան մասում: Նախագիծը մշակվել է հիմք ընդունելով նախագծման թույլտվություն/ճարտարապետահատակագծային առաջադրանքը և քաղաքաշինության ոլորտում գործող իրավական նորմերի շրջանակը: Հաշվի են առնված նաև ներքին էլեկտրամատակարարման, արտաքին և ներքին ջրամատակարարման, կոյուղու, ներքին գազամատակարարման ցանցերի և օդափոխությանն համակարգերի ինժեներական լուծումները՝ ըստ ՀՀ գործող շինարարական նորմերի:

Նկարագրական մաս. Նախագծվող տարածքի ընդհանուր մակերեսը կազմում է 2518.1 ք.մ, կառուցապատման մակերեսը կկազմի 2518.1 ք.մ և կբարեկարգվի 1153 ք.մ մակերեսով տարածք, կստեղծվի 242 ք.մ մակերեսով կանաչ գոտի հողամասին հարող հանրային գոտում՝ կառուցապատողի նախաձեռնությամբ, ինչի համար ձեռք է բերվել Երևանի քաղաքապետարանի համաձայնությունը: Կառույցը նախագծվում է երկու վերջնական և մեկ ստորգետնյա հարկերից:



Նկուղային/ստորգետնյա հարկը գտնվում է -3900 նիշ բարձրության վրա և ունի 1 818.34 ք.մ մակերես (արտաքին պատերով հաշվարկված), իսկ վերգետնյա հարկերը նախագծվում են 0.0-ական նիշից, 2518.1 ք.մ մակերեսով (արտաքին պատերով հաշվարկված): Կառույցի առավելագույն բարձրությունը +0.0-ական նիշից կկազմի 12.150 մ, մասնավորապես, առաջին հարկը նախագծվում է $h=5.15$ մ բարձրությամբ, իսկ երկրորդ հարկ՝ $h=4.50$ մ բարձրությամբ:

«Առևտրային տարածքում» նախատեսվում են 2 աստիճանավանդակներ, 2 մարդատար և 2 բեռնատար վերելակներ, 2 արտաքին մուտքեր և 1 էվակուացիոն ելք, սանհանգույցներ՝ սակավաշարժ խմբերին հարմարեցված, ինչպես նաև թեքահարթակներ մուտքերում: Կառույցի տանիքը նախագծվում է հարթ, որտեղ նախատեսվում են 2 երթիկներ, որոնք կապահովեն նաև երկրորդ հարկի լուսավորությունը: Տանիքը կունենա արտաքին կազմակերպված ջրահեռացում, արտաքին պատերի ճարտարապետական լուծումները նախագծված են ապակեպատ ֆասադներով և ֆիբրո-ցեմենտային սվաղով: Շենքի ջեռուցման և հովացման համար նախատեսված են արհեստական շրջանառությամբ երկխողովակա՝ հորիզոնական մատակարարումով ջերմատարի փակուղային շարժումով համակարգեր: Որպես ջեռուցման և հովացման սարքեր նախատեսվում են կասետային մեկիսուքային և չորսիսուքային ֆանկոլներ, որոնք տեղադրվելու են հարկերի առաստաղների տակ:

Բնութագրվող տարածքը զուրկ է ծառերից և թփերից, տեղամասում տեղ-տեղ հանդիպում են ինքնաբերաբար աճած խոտածածկ:

Գործունեության տեղամասը գտնվում է զարգացած համայնքային միջավայրում, ուստի տեղանքում չկան որևէ էնդեմիկ կամ Կարմիր գրքում գրանցված բուսատեսակներ և կենդանական տեսակներ, ինչպես նաև բացակայում են տարածքով անցնող միգրացիոն ուղիները՝ տարածքի և հարակից վայրերի յուրացված և ուրբանացված լինելու պատճառով:

Շրջակա միջավայրի վրա հնարավոր ազդեցությունը և վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում

Նախատեսվող գործունեության ընթացքում շրջակա միջավայրի վրա հնարավոր բացասական ազդեցությունները և հնարավոր ռիսկերը գնահատվում են առևտրային տարածքի կառուցման աշխատանքների ընթացքում, մասնավորապես՝ գործունեության ընթացքում հիմնականում գնահատվում են անօրգանական փոշու և այլ ծխագազերի արտանետումներ և աղմուկի մակարդակի աճ շինարարական գործողությունների ընթացքում, սակայն նշված ազդեցությունները կկրեն ժամանակավոր բնույթ և կլինեն տեղայնացված՝ ընդգրկելով ներկայացվող գործունեության տեղամասը:

Ըստ ազդեցության աստիճանի և ինտենսիվության՝ շրջակա միջավայրի վրա բոլոր բացասական ազդեցությունները և ռիսկերը գնահատվում են մինիմալ և կառավարելի գործունեության ընթացքում՝ հաշվի առնելով նախատեսվող շինարարական աշխատանքների ծավալը և բնույթը, ինչպես նաև հեռավորությունը զգայուն ազդակակիրներից: Նշված արտանետումները չեն գերազանցի ՀՀ թույլատրելի նորմերը, իսկ մթնոլորտային ավազանում դրանց հնարավոր տարածումը և շրջակա միջավայրի վրա վնասակար ազդեցությունները կկանխարգելվեն և/կամ կնվազեցվեն բնապահպանական կառավարման պլանում ներկայացված միջոցառումների իրականացմամբ, մասնավորապես.





2. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմնին»:
3. Ապահովել շինարարության համար անհրաժեշտ բոլոր պահանջվող թույլտվությունների ձեռք բերումը
4. Հաշվի առնել բնապահպանական մոնիթորինգի ծրագրում պլանավորված մեղմացնող միջոցառումները
5. Աշխատողների անհատական պաշտպանության միջոցները պետք է համապատասխանեն ՀՀ օրենսդրությամբ սահմանված չափանիշներին:
6. Իրականացնել շինհրապարակի համապատասխան բարձրությամբ ցանցապատում, պարբերական ջրցանում, շին հրապարակից դուրս եկող աշխատանքային ավտոմեքենաների անվադողերի լվացում, փոշու արտանետումները նվազագույնի հասցնելու նպատակով:
7. Անհրաժեշտ է նվազագույնի հասցնել շինհրապարակում պահվող նյութերի և թափոնների քանակը և հնարավորինս ծածկել կուտակված նյութերը փոշու տարածումից խուսափելու համար:
8. Շինարարության արդյունքում գոյացող թափոնները պետք տարանջատվեն ընդհանուր աղբից և կենցաղային թափոններից դեռ շինհրապարակում և ըստ առաջացման տեղափոխվեն հատուկ հատկացված աղբավայր: Շինարարության ավարտից հետո շինհրապարակից անհրաժեշտ է հեռացնել շինարարության հետ կապված բոլոր պարագաները, այդ թվում՝ չօգտագործված նյութերը, թափոնները, մեքենաները, սարքավորումները, ցանցապատումը և այլն
9. Կատարել կանաչապատման/բարեկարգման աշխատանքներ՝ համաձայն կանաչապատման բարեկարգման նախագծի և պլանների: Ձեռնարկել տնկված թփերի, ծառերի, խոտածածկի պահպանում և մոնիթորինգ բուսականության աճն ապահովելու համար:

ԵԶՐԱՓԱԿԻՉ ՄԱՍ

«ՌԵԿՎԻԶԻԿՆԵՐ» ՍՊ ընկերության կողմից ներկայացված Շիրազի փողոց 17 հասցեում նախատեսվող «Առևտրային տարածքի» կառուցման, շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն»
ՊՈԱԿ-ի առաջատար մասնագետ՝



Շ. Կարապետյան